

(Marko 4:11-12)

Mbóté na kombo ya Nkolo mpe Mobíkisi na biso Yesu Kristo, Nzambe ya solo kaka moko, oyo ayaki kokita na bomoto mpo na kosikola biso.

(Yoane 1:14; 1 Timote 3:16 – Mokanda na Bomoi)

Ezali na makambo mosusu Yesu asalaki tango azalaki kosala mosala na ye awa na mabele, makambo oyo ekoki komonana lokola ya kokamwa epai na biso. Ezali solo ete ayaki koluka mpe kobikisa bato oyo babungaki

(Luka 19:10), kasi abongolaki lobiko te eloko ya pete to ya automatique. Atyaki lobiko polele mpo na bato nyonso, kasi alakisaki mpe ete nzela yango ezali moke mpe esengeli kolukama na motema ya solo

(Matayo 7:13-14 – Mokanda na Bomoi).

Yesu ayebisaki solo te epai ya bato nyonso ndenge moko

Kokesana na oyo bato mingi bakanisaka lelo, Yesu azalaki te kolanda kaka motángó ya bato. Bato mingi bazalaki kolanda ye bipai nyonso azalaki kokende: basusu mpo na kobikisama, basusu mpo na koyeba kaka, basusu mpo na komona bikamwa. Kasi Yesu

azalaki te kotángela lokumu motángo ya bato. Azalaki te kotia bosembo ya solo na botáangi ya bato.

Yango wana, mbala mingi, azalaki koteya na masese—masolo ya pete, kasi oyo ezalaki na ndimbola ya mozindo ya molimo. Masese wana ezalaki te mpo na kosengelisa bato, kasi mpo na koponza. Esengelaki nzala ya molimo mpe komikitisa mpo na kososola yango. Soki moto azalaki na yango te, akokaki koyoka lisolo, kosepela na yango, kasi akende kaka ndenge azalaki.

“Tango Yesu azalaki kaka ye moko, bato oyo bazalaki elongo na ye, elongo na bantoma zomi na mibale, batunaki ye ndimbola ya masese. Yesu alobaki na bango: ‘Epai na bino, Nzambe apesi sekele ya Bokonzi ya Nzambe; kasi epai ya bato oyo bazali libándá, makambo nyonso elobamaka na masese, mpo ete bazala komona kasi bámona te malamuni, koyoka kasi básosola te, noki te babongwana mpe Nzambe alimbisa bango.’”

(Marko 4:10-12 - Mokanda na Bomoi)

Awa, Yesu azalaki koloba maloba ya mosakoli Yisaya
(Yisaya 6:9-10) mpo na kolakisa ete mitema ya bato mingi

ekómaki makasi. Bazalaki koyoka maloba na ye, kasi bazalaki kotikala bakufi miso na solo, mpo bazalaki na motema ya kobongola te.

Lobiko esengaka motema ya solo

Yesu abikisaka te kaka bato oyo bayokaka; abikisaka bato oyo balukaka ye na molende, mpe bazali na posa ya solo ya kososola mpe kotosa ye.

“Bokoluka ngai mpe bokomona ngai, soki boluki ngai na motema na bino mobimba.”

(Yeremiya 29:13 – Mokanda na Bomoi)

Yango wana Yesu azalaki mbala mingi koloba na nzela ya masese. Mokano na ye ezalaki kaka te ya koyebisa, kasi ya kobongola bomoi. Kaka bato oyo bazalaki na posa ya solo ya koyeba ye nde bazalaki kotuna mituna mpe koluka ndimbola ya mozindo. Yango nde esalaka ete sima ya koteya ebele ya bato na masese, azalaki kolimbola yango na sekele epai ya bayekoli na ye

(Matayo 13:10-11 – Mokanda na Bomoi).

Bato mingi balandaki Yesu mpo na bantina ya mabe

Na tango ya Yesu, bato mingi oyo balandaki ye bazalaki kaka batali. Basusu bayaki mpo na bilembo mpe bikamwa (*Yoane 6:26*), basusu mpo na posa ya koyeba to kotyola, mpe basusu bazalaki ata batindi ya kolandela ye (*Luka 20:20*). Bato moke mpenza nde balandaki ye mpo na koyeba ye mpe kozwa solo oyo ememaka na bomoi ya seko (*Yoane 17:3 – Mokanda na Bomoi*).

Lelo mpe, likambo moko wana ezali kaka. Bandako ya losambo etondi, mpe bato mingi balobaka ete balukaka Nzambe. Kasi soki moto amipesi ye moko te na kolanda Yesu—koyekola epai na ye, kotosa Liloba na ye, mpe kopesa ye bomoi na ye mobimba—lobiko ekotikala kaka likanisi, kasi ekóma solo te.

“Ezali te bato nyonso oyo balobaka na ngai: ‘Nkolo, Nkolo!’ nde bakokota na Bokonzi ya Likolo, kasi kaka moto oyo asalaka mokano ya Tata na ngai oyo azali na likolo.”

(Matayo 7:21 – Mokanda na Bomoi)

Mpo na nini lobiko emonanaka lokola ezangi nguya epai ya bato mosusu

Bato mosusu balobaka ete babikisami, kasi bazali kaka kovanda na bowumbu ya masumu: bosololi ya nzoto, kolangwisa masanga, lolendo, mpe kozanga koyeba mokano ya Nzambe. Bakoki ata kosala mibu mingi na losambo, kasi bazali naino koyeba te plan ya Nzambe ya kosikola bato, lokola Kopalangana (Rapture), to ata koyeba te ete tozali na eleko ya suka ya Lingomba—Lingomba ya Laodikiya

(Emoniseli 3:14-22 – Mokanda na Bomoi).

Bakoki koloba: “Nayebi Yesu,” kasi bomoi na bango elakisaka yango te. Ata na tango ya Yesu, bato bamona ye, bayoka ye, mpe balia elongo na ye; kasi bato moke mpenza nde basosolaki nani azalaki mpe mosala na ye. Kaka bato oyo balukaki ye na bomoto na bango moko nde bazwaki emoniseli ya makambo ya Bokonzi *(Yoane 6:66-69 – Mokanda na Bomoi).*

Yesu azali kobenga boyekoli ya solo

Yesu azali naino koluka bayekoli ya solo—te kaka bayoki ya petee to bato oyo basalelaka makambo ya molimo mpo na bolamu na bango moko. Abengi moto moko na moko na biso ete atika ye moko, azwa ekulusu na ye, mpe alanda ye na motema mobimba.

“Yesu alobaki na bayekoli na ye: ‘Soki moto alingi kolanda ngai, atika ye moko, azwa ekulusu na ye mpe alanda ngai. Pamba te moto oyo alingi kobatela bomoi na ye akobungisa yango, kasi moto oyo abungisi bomoi na ye mpo na ngai akomona yango. Moto akozwa litomba nini soki azwi mokili mobimba, kasi abungisi molimo na ye?’”

(Matayo 16:24-26 – Mokanda na Bomoi)

Soki tozali na posa ya solo te ya kolanda Kristo, wana—lokola ebele ya bato—tokoyoka maloba na ye kaka lokola masese: masolo ya kitoko, kasi oyo ekotika elembo moko te na bomoi na biso.

Tika ete ezala tango ya kolamuka. Tikala te moto ya molunge-molunge

(*Emoniseli 3:15-16*). Tóluka Yesu na bomoto na biso moko, na molende mpe na motema na biso mobimba. Wana nde lolenge

Epai ya bato oyo bazali libándá, makambo nyonso elobamaka
na masese

tokoyamba lobiko ya solo oyo apesaka.

Marana tha — Nkolo azali koya.

Share on:
WhatsApp